

فرانسه اختلال کبرندن بر صحیفه

حقوق بشر

خلفت آدمدنبری سرزده ظهور اولان وقوعات و تبدلات مهمه نك اعظمی،
 الكمدهشی فرانسه نك ۱۷۸۹ انقلاب کبری اولدیغی تاریخ کوستریور. فرانسه
 اختلالی بالکز فرانسه ده تأثیرینی اجرا ایتکله قلمیوب بتون آوروپاده عکس
 صداسی طالعاندی، طالعاندیجه صباخ مظلومینه کمال اهمیتله چارپدی.
 آوروپاده حریت سیاسیله ايله حکومت مطلقه منازعاتی ایلک دفعه انکلتزده
 ۱۶۳۰ وایکنجی دفعه بته انکلتزده ۱۶۸۸ سنه سنده باشلادی فقط حاکمیت
 ملنك، حاکمیت واحده یه غلبه مطلقه سی فرانسه انقلاب کبریله باشلار. حقیقت،
 ۱۷۸۹ سنه سنه قدر فرانسه ده نه مملکتی حکومتک افعال غیر مشروع سنه ونه ده
 زمانك تأثیرات ضروریه سنه قارشو وقایه ایده جك هیچ بر قوت موجود دکلدی.
 حکومت کندی اضمحلالانی سیر ایدر طورردی. مع مافیله بو اضمحلال ملنك
 دکل؛ حکومت مطلقه نك، اداره مستبده نك اضمحلالی ایدی. زیرا بر ملت
 یدواحدك مظلومی، سیاتی آلتنده ازبیلر فقط محو اولماز، بالعکس ملت او یداستبدادی
 محو ایدر، اشته تاریخلر میدانده. فرانسه ده اذهان عمومییه اویانغله باشلانجه
 هرکسک فکری ادبیانندن، حکمیانندن زیاده علوم سیاسییه انعطاف ایدیوردی.
 وولترک، ژان ژاق روسونك آتاری حرز جان ایدیلیوردی. رهبانك استبدادی
 تزاید ایتدکجه حریت طرفدارانی او نسبتده تکرر ایدیوردی. زادکان صنقی
 آن بان ادخار ثروت ایتدکجه بیچاره اهالی او نسبتده ضرورت و سفالته
 دوچار اولیور ایدی. فی الحقیقه، حکومت مستبده سایه سنده فرانسه طوبراغنك
 همان درتده اوچی قرال، زادکان و پاپاسلر انده، حالبوکه اهالی و فقر طاسقی
 تکالیف ثقیله آلتنده زبون و کوندن کونه صبر و تحمللری توکنوب حریته میل
 واشتیاقلری حددن افزون ایدی. طائفه مستبده ثباتسز بر حکمدارک اوکنده

بیماره ملتی صومقی خصوصند عقل و تصویره صیغماز حالاته متجاسر اولورلر ایدی. ملت اوپله بر سفالت و درکه هیچی به دوشمشدی که ارتق اون آلتیجی. لونی حال برمالل حاضره برچاره حسن دوشونک اوزره ملتک، بیماره اهلینک رایسه مراجعته مجبور قالدی. بر چوق کشمکشلردن سوکره اهالی مبعوثلری، زادکان وپایسلر مبعوثانیله عددجه مساوی بر مقداره ابلاغ ایدملشر ایدی.

اعضای مجلس، ملته کافل حریت و امنیت بر قانون معدلت ویرلمدکجه آیرلمیه جقلرینه دار بینلرنده عهدومیشاق ایتدیلر، مؤخرأ بعض اسبابدن طولانی قرال مجلسی طاغیتمق آرزوی خامنه دوشه رک سرای مأمورلردن بریسنی کوندردی. مأمور، «اعضائک طاغلملری قرال حضرتلری امرایدیور» دینجه فرانسه انقلاب کیرینک اعظم رجالتدن مشهور میرابو تاریخده ابدیاً مشهور اولان شو جواب ایله: «کیت افندیکه سویلکه بز بوراده اراده ملت ایله قانمز، بزی آنجی سونکیلر قوتی طاغیده بیلور.» مقابله ایدر: آرتق بونک اوزرینه ملت ایله حکومت مطلقه آراسته هر درلو مناسبات قطع اولوب منازعات شدیدیه عرض چهره فلاکت ایلدی. زوالی ملت تسکین حدت اتمک استدکجه سرای وزادکان تشدید مظالم و تزئید انتقام ایتمکده ایدی. او حالده که نهایت، بر چوق قانلر دوکولدکن سوکره اهالی جمهوریتی اعلان و اون آلتیجی لونی فی فدا ایلمش وعلمه دهشت انداز حریت و ناشر افکار جمهوریت اولمش ایدی. فرانسه نیک قانلی انقلابی آوروپا حکمدارلرینی فنا حالده دوشندیرمکده ایدی. کندی مملکتلرینه صجریان قفلجملرک اطفاسی امرنده متفقاً فرانسه نیک اوزرینه یورو مکه قرار ویردیلر. فرانسزلر بر طرفدن آوروپا حکمدارلرینه اعلان حربیه مجبور اولورلر، دیگر طرفدن داخلأ فرق مختلفه نیک خطر انکیز بر طاقم منازعات و اختلالاتی آراسته تنسیقات و تشکیلات ملکیه ایله اوغراشمقدن بر آن خالی قالمالزردی. داخلده کی منازعات، اختلاف افکار فرانسه نیک دول متفقیه قارشو یالکیز باشنه مقاومت ایتسنه مانع اوله مدی. نه علوی مثال، نه مطرا نمونه! فرانسزلر حقیقه بیوک ملت اولدقلرینی رعنا اتبات ایدیورلر. اون طقوزنجی عصر

اوانده فرانسه، ممتاز، بی نظیر جترالر، معلا خطیبلریشدرمش و ناپولیون کندیسه
واسع میدان فیض و امتحان بولمشدی. بز بو تفصیلاتی تاریخچه براقلمده « ۸۹ »
انقلاب کبیرینک وجوده کتیردیکی ۱۷۹۱ شرطنامه سنک مقدماتی قارئین کرامک
انظارینه وضع ایلملم. بومقدمات « ۸۹ » قواعدی نامیه مشهوراولان « حقوق بشر »
اساسیدرکه بالجه ملل متمدنه قوانین اساسیه سنه منبع اتخاذ ایدلشد.

مصائب عمومیه نك، امور حكومتده کی فسادك اسباب اصلیه سی حقوق بشرک
بیلنامسی، یاخود عدم مرعیتی اولدینی ثابت و ظاهر اولدیقندن انقلابیون
بر بیاننامه رسمی نشر ایله انسانک مقدس وطیبی اولان و ترکی هیچ بر صورته
قابل اولمیان حقوقی میدانیه قویغنه قرار ویرمشاردر.

برنجی ماده — انسانلر حر و حقوقه مساوی طوغارلر، اولیه قالورلر،
امتیازات یالکز فائده مشترکه اوزرینه مؤسس اوله بیلور.

۲ ماده — هر بر اجتماع سیاحیدن مقصد انسانک حقوق طبیعیه و غیر مندرسه
سنک محافظه سیدر. بوحقوق: حریت، حق تملک، امنیت، ظلمه مقاومندر.

۳ ماده — هر درلو حاکمیتک قاعده سی اساساً ملتده هیچ بر هیئت و هیچ بر
شخص صراحة ملتن صدور ایتمش اولمینجه بر حکم اجرا ایده مز.

۴ ماده — حریت، غیره مضرقی اولمیان هرشی پایه بیلمکدن عبارتدر.
بوجهتله اعضای سائر جمعیتک ده عینی حقوقدن مستفید اولمنسی تأمین ایدن

حدوددن باشقه برشیه مفید اوله ماز بوجدودی ایسه الحق قانون تعیین ایدر.
۵ ماده — قانون یالکز جمعیه مضر اولان افعالی نهی ایده بیلور.

قانونک نهی ایتدیکی منع اولنه ماز. کیسه قانونک امر ایتدیکی اجرا ایله مکلف
دکدر.

۶ ماده — قانون اداره ملتن صورت افاده سیدر. اهلینک کافه سی

بالذات و یاخود وکیللری واسطه سیله قوانین تنظیمنه اشتراک ایتک حقنی حائزدر.
کرك حمایت و کرك تأدیپ خصوصنده قانون هرکس اینجون بر اولمیدر. قانون
نظرنده اهلینک کافه سی مساویدر، فضیلت و معرفتن باشقه برجهت امتیازلی

یوقدر، قابلیت‌رینه کوره مأموریت و خدمات عمومیه به تعیین ایدیلورلر .

۷ ماده — قانون ایله تعیین ایدیلن حالاتک خلافتده هیچ کیمسه نه اتهام، نه توقیف ونه ده حبس ایدیله من خلاف قانون اوامر استیسانلر، کوندره نلر، اجرا ایدیلر یا خود اجرا ایتدیرنلر تأدیپ اولمیلیدر .

فقط قانونه مستند اوله رق اهلیدن چاغریلن وطوتیلان آئیده مطاوعت ایتیلیدر . مقاومتی موجب تهمت اولور .

۸ ماده — قانونک ترتیب ایده جکی مجازاتک قویاً لزومی محقق اولمیلیدر .

۹ ماده — هرکس متهم عد و اعلان اولنه جنی وقته قدر معصوم کبی بیلندیکندن توقیف ایتدیرلمسی لزومنه حکم اولندیقی تقدیرده شخصی اله کچورمک ایچون بی لزوم شدت اظهار و اجراسی قانون ایله شدیداً منع اولمیلیدر .

۱۰ ماده — هیچ کیمسه فکر و رأیی ایچون ولو دینه عائد اولسه بيله اصلاً مشغول دکدر، فقط او فکر و رأیک اظهاری قانوناً معین نظام و آسایش عمومی بی اخلال ایتماسی شرطدر .

۱۱ ماده — آرا و افکارینی سربستهجه بیان ایتمک انسانک ال مقدس حقوقنددر . بوکا بناء اهلیدن هر فرد صلاحیت قانونیه نک سوء استعمالندن مشغول اولقی شرطيله سربستهجه سویله بیلور ، یازده بیلور ، طبع ایده بیلور .

۱۲ ماده — حقوق بشرک تأمین بر قوت عمومیه به محتاجدر . بناء علیه بو قوت ، اکا مؤکل اولانلرک فائده مخصوصه سی ایچون دکل جمله نک منفعتی ایچون مؤسس دیمک اولور .

۱۳ ماده — مصارف عمومیه نک تسویه سی ایچون بر مکلفیت عمومیه به لزوم واردر . بو مکلفیت قابلیت نسبتبنده بالجمله اهالی بیننده مساوات اوزره توزیع اولمیلیدر .

۱۴ ماده — اهالی بالذات و یا وکیللری واسطه سیله مکلفیت عمومیه نک لزومنی صورت استعمالی ، مقدار اساسی ، صورت تحصیلنی تعیین ایتمک حقنی حازدر .

۱۵ ماده — حقوق عمومیه نک محافظه سی تأمین ، قوای عمومیه نک تفریق

خصوصی تعیین ایدلماش اولان جمعیتك قوانین اساسیه سی یوق دیمکدر .

۱۶ ماده — حق تملك تعرضدن بری برحق مقدسدر . صورت مشروطه
عهده لزومی متحقق بر فائده عمومیه به مبتنی اولمدجه واولدن تضمینات محقه
ویرلمدکجه هیچ کیسه ملکنندن محروم ایدیلهمز .

نه مبجل قانون معدت، نه مکمل دستور حکمت! اشته بو اساسلر آوروپا،
غربه، بر چوق سنه لر اول اسلامیتك شعشعه انوار کالاتیله مستغرق فیوض
معرفت وحریت اولان شرقدن اهل صلیب سفرلری واسطه سیله انتقال ایلمش
ایدی . هالی ازمک ایچون آقین آقین آوروپادن کلن اهل صلیب ، اسلامده
ساده لکی ، مساواتی ، عدالتی تقدیرده ایکم قالدیلر . اسلامك امیرندن اك ناجیز
نفرینه قدر بینلرنده آهنگ مساوات جاری اولدیغنی کورن صلیبیون ، کندی
پرنس لرنده ، پاپاسلرنده موجود فکر استبدادی سیسلر ایچنده بولنان افق
حریتدن مشاهده ایدر کبی اولدیلر .

ایشته اوروپا بر طرفدن ظلم و جهالت ظلام کشنی آلتنده ایکلرکن دیگر
طرفدن شرق ، علمه افاضه انوار عدالت و حریت ایدن خورشید اسلامیت
ایله نورلر غرق اولمقده ایدی ، زمان کجکجه ، نه دن بونیر مدنیت سحاب
احتجاب ایله قاپلانندی ؟ نه دن غربدن شرقه انتقال ایدیوردی ؟ اهل صلیبک
شرق سفرلرندن اغتنام ایلدکری افکار حریت انوار معارفله تنور ایلهمکده
آوروپا تدریجی صورته طریق ترقی و تکملده خطوه انداز غیرت اولمقده ایدی .
علوم وفنونك ترقیسی ، سیاسیاتك تعالیسی موجب اولدیغندن ، «باقون» ،
«ده قارت» ، «لوتر» ، «قالون» ده صوکره لر «وولتر» «روسو» ظهور
ایدهرک انقلابات روحانیه ومعنویه دن انقلاب سیاسی حاصل اولدی . پاپانك او
بی پایان نفوذی قیرلدی . دره بکلری محو ایدلدی عدالت و مساوات اسلامی
وضع ایدیلهرک حال رفاه و انتظام، ساحه آرای حصول اولدی .

بو رفاه و معموریت ابوابی آجان مفتاح ایسه عدالتدر . بوقاییدن ایچری
کیرمک شرفه مظهر اولانلر سعادت ایدیه به نائل اولور . ۱۱ تموزدن بری

زده بو شرف عالمها ایله مشرف، مردرلو زنجیر ظلم و استبدادی قیره رق مبدل اولدق . بناء علیه بو شاهراه مسعدتی تعقیب ایدم . تعقیب ایدم که بر آن اول مسعود اولم .

سماد مختار

معاهداتمز [۱]

قایتولاسیونلرک تاریخی

ممالك عثمانیه اجنیلرک حال و موقعی سار مملکتلرده ساکن اولان اجنیلرک حال و موقعلرندن تقریق ایدن و « قایتولاسیون » نامیه یاد اولنان اصول قونسلوسلرک حق قضالری اولمق و بالخاصه تبعه لرینه متعلق معاملات عدلیه ده تفتیش و نظارت و حمایه صلاحیتی حازر بولنق مثللو اساس عهدیه بی شاملدر .

بواسول اوروپا حقوق عمومیه سنده موجود و حقوق مذکوریه مستند دکلدر . ممالك شرقیه اسکیدن قلمه در . چین ، آننام و سار بعض آسیا مملکتلرنده مرعیدر . ژاپونیا ده دخی واردی ، یقین زمانلرده قالدیرلدی .

قایتولاسیونلر حقوق خصوصیه دوله مستقل بر بحث طویل تشکیل ایدر بو بحثه کیرمه دن اول قایتولاسیونلرک منشأندن ، تاریخندن بحث ایلمک لازمدر .

ازمنه قدیمده ممالك شرقیه ایله بلاد غربیه آرمسند چوق مناسبات یوغیدی . تاریخ قدیم عالم مدینتی یالکیز بحر سفید سواحلندن عبارت اولمق اوزره کورمشدر . اووقتلر روما اداره جمهوریه سی حکم فرما ایدی . اما اصل وقایع

[۱] بو سرلوحه آلتندکی مقالات اشبو موضوع مهم حقنده کی تبعات نتیجه سنی داخله ناظری و معارف ناظر وکیل حق بک افندی حضرتلرینک مکتب حقوقده کی تقریرلری ایله مزج ایدرک قلمه آلتنددر . ابن الضیا